

1. gr. Almenn ákvæði

Auk viðaukaskilmála þessara gilda um váttrygginguna eftir því sem við getur átt líftryggingarskilmálar félagsins og ákvæði laga nr. 20/1954 um váttryggingarsamninga.

2. gr. Bótasvið/Váttryggingarfjárhæð

Váttryggingarfjárhæð Sjúkdómatryggingar er annað hvort sjötíu og fimm af hundraði (75%) gildandi líftryggingarfjárhæðar eða öll (100%) líftryggingarfjárhæðin.

Í váttryggingarumsókn skal tekið fram hvor váttryggingarfjárhæðin samkvæmt 1. mgr. eigi að gilda. Valið skal tilgreint í váttryggingarskríteinu og/eða iðgjaldskvittun.

2.1. Sjúkdómatrygging 175

Við greiðslu bóta sem nema 75% gildandi líftryggingarfjárhæðar, fellur Sjúkdómatryggingin úr gildi, líftryggingin helst áfram í gildi með fullri líftryggingarfjárhæð og greiðir líftryggður frá þeim tíma líftryggingariðgjald af fjárhæðinni samkvæmt gjaldskrá félagsins um líftryggingar. Um líftrygginguna, sem eftir stendur gilda líftryggingarskilmálar félagsins.

2.2. Sjúkdómatrygging 100

Við greiðslu bóta, sem nema allri líftryggingarfjárhæðinni, falla líftryggingin og Sjúkdómatryggingin úr gildi.

3. gr. Váttryggingaratburður og skilgreiningar

Váttryggingaratburður telst einungis verða, ef váttryggður greinist með einhvern eftirtalinna sjúkdóma, gengst undir einhverja þeirra aðgerða, sem taldar eru upp, verður fyrir útlímamissi, blindu eða hlýtur alvarleg brunasár samkvæmt nánari skilgreiningu hér á eftir:

Hjartaáfall/Kransæðastífla

Drep í hluta hjartavöðvans sem afleiðing ónógs blóðflæðis. Greiningin verður að byggja á því að þrjú eftirtalin einkenni séu öll til staðar:

- Dæmigerðir hjartakveisuverkir (brjóst- verkir),
- nýjar breytingar á hjartalínuriti og
- hækkun á hjartaensímum.

Hjartaskurðaðgerð

Váttryggður gengst undir hjartaskurðaðgerð til að laga lokugalla eða aðra bygg-ingargalla.

Kransæðauppskurður

Hjartaskurðaðgerð vegna þrengsla eða stíflu í einni eða fleiri kransæðum með hjáveituaðgerð í einstaklingum með slæma hjartakveisu en tekur ekki til aðgerða eins og blástursaðgerða eða leysigeislameðferða.

Meginslagæðar/Ósæðar aðgerð

Váttryggður gengst undir skurðaðgerð til að laga þrengsli, rof eða æðagúlp (flysjugúlp) á meginslagæð í brjóst- eða kviðarholi.

Heilaáfall/Slag

Sérhver blóðrásartruflun í heila sem veldur einkennum frá miðtaugakerfi sem vara lengur en í sólarhring og felur í sér drep í heilavef, blæðingu og blóðrek. Skilyrði einkenni varanlegra skemmda á miðtaugakerfi.

Krabbamein

Illkynja æxli sem einkennist af stjórnlausum vexti og dreifingu illkynja og ífarandi fruma. Þetta á við um hvítblæði (annað en langvinnt eitifrumuhvítblæði), en undanskilur staðbundið krabbamein (ekki ífarandi), æxli sem koma hjá sjúklingum með ónæmisbæklun og öll húðkrabbamein nema ífarandi illkynja sortuæxli.

Góðkynja heilaæxli

Heilaæxli sem ekki eru illkynja. Undanskilin eru blóður, hnúðar(granulomas), heilahimnuæxli (meningiomas), seilaræxli (chordomas), æðagallar í eða á slagæðum eða bláæðum, heilamar og æxli í heiladingli eða mænu.

MS

Ótvíræð sjúkdómsgreining taugasérfræðings þarf að liggja fyrir um að viðkomandi hafi fengið fleiri en eitt kast með ótvíræðum einkennum sjúkdómsins og hann verið staðfestur með nútíma rannsóknartækni eins og segulómum.

MND

MND greindur af taugasérfræðingi.

Meiriháttar líffæraflutningar

Váttryggður gengst undir uppskurð sem þegi á hjarta, hjarta og lunga, lifur, bris-kirtli, nýra eða beinmerg.

Nýrnabilun

Lokastig nýrnasjúkdóms, vegna hvaða orsaka sem er, þegar váttryggður gengst reglulega undir himnuskiljun eða blóðskiljun eða hefur fengið nýrnafræðslu.

Alzheimer

Ótvíræð greining taugasérfræðings á Alzheimer, fyrir sextíu ára aldur váttryggðs, með viðeigandi rannsóknum, athugunum og mati á sjúkdómseinkennum.

Parkinsons

Ótvíræð greining taugasérfræðings á Parkinsons af óþekktum uppruna, fyrir sextíu ára aldur váttryggðs.

Alvarleg brunasár

Þriðja stigs brunasár sem þekja a.m.k. 20% af yfirborði líkama váttryggðs, staðfest af sérfræðingi með víðtæka reynslu í meðferð brunasára.

Útlímamissir

Varanlegur missir tveggja eða fleiri útlíma ofan úlnliðs eða ökkliðs.

Blinda

Alger og varanlegur missir sjónar á báðum augum, staðfest af sérfræðingi í augnlækningum.

4. gr. Sjúkdómatrygging barna

Ef barn váttryggðs, 3ja mánaða til 18 ára gamalt, verður á váttryggingartímanum fyrir váttryggingaratburði, sem skilgreindur er í 3. gr., greiðir félagið fimmtíu af hundraði (50%) váttryggingarfjárhæðar Sjúkdómatryggingar samkvæmt því sem nánar greinir í 4. mgr. 5. gr.

Bætur eru ekki greiddar vegna váttryggingaratburða sem sannanlega má rekja, beint eða óbeint, til ástands barnsins fyrir töku váttryggingarinnar. Um ættleidd börn gildir, að félagið er ekki bótaskyld, ef hægt er að rekja orsakir váttryggingaratburðar til sjúkdómsástands, sem barnið var haldið áður en það var ættleitt.

Ennfremur eru bætur ekki greiddar vegna aðgerða sem framkvæmdar eru á aldrinum 3ja mánaða til 18 ára ef greining sem leiddi til aðgerðar var fyrir 3ja mánaða aldur.

Greiðsla bóta úr Sjúkdómatryggingu barna hefur ekki áhrif á Sjúkdómatryggingu váttryggðs.

Skilyrði fyrir bótaskyldu er að barnið lifi a.m.k. í 30 daga frá váttryggingaratburði, sem leiðir til bótaskyldu skv. 1. mgr..

Bætur greiðast vegna eigin barna váttryggðs. Einnig greiðast bætur vegna fósturbarna og stjúpbarna, enda búi fósturbörn eða stjúpbörn á sama lögheimili og váttryggður. Gilda þá einnig fyrirvarar 2. málsliðar 2. málsgreinar auk 3. málsgreinar, eftir því sem við á.

5. gr. Takmarkanir á bótaskyldu

Aðrir atburðir en þeir váttryggingaratburðir sem taldir eru upp sem bótaskyldir í 3. gr. eru ekki bótaskyldir samkvæmt váttryggingu þessari.

Ekki eru greiddar bætur vegna krabba-meins sem greinist á fyrstu þremur mánuðum eftir töku váttryggingarinnar.

Bætur úr váttryggingu þessari greiðast váttryggðum vegna hans sjálfs aðeins einu sinni og skilyrði fyrir bótageiðslu er að váttryggður lifi a.m.k. í 30 daga frá því váttryggingaratburður gerðist. Bætur úr Sjúkdómatryggingu barna greiðast einnig aðeins einu sinni fyrir hvert barn.

Hámark bóta úr Sjúkdómatryggingu barna vegna hvers barns er kr. 7.000.000,-. Ef bætur greiðast úr fleiri en einni Sjúkdómatryggingu, greiðast aldrei hærri bætur en nemur þeirri váttryggingarfjárhæð Sjúkdómatryggingar, sem tilgreind er í því váttryggingarskírteini sem hefur að geyma hæstu sjúkdómatryggingarfjárhæðina. Bætur greiðast þá váttryggðum hlutfallslega eftir váttryggingarfjárhæð Sjúkdómatryggingar hvers skírteinis. Ef fleiri en eitt váttryggingarskírteini er skráð á nafn eins og sama váttryggingartaka skal, þegar hæsta váttryggingarfjárhæð er fundin út skv. 2. ml., leggja saman fjárhæðir í öllum skírteinum sem á hann eru skráð.

6. gr. Breyting iðgjalds

Félagið áskilur sér rétt til breytinga á iðgjaldatöflu félagsins ef almenn áhættuaukning verður eða almennar forsendur Sjúkdómatryggingarinnar reynast aðrar en ætlað var í tæknilegum grundvelli váttryggingarinnar.

7. gr. Réttur til hækkunar líftryggingarfjárhæðar án yfirlýsingar um heilsufar

Ef iðgjald fyrir Sjúkdómatrygging er ákveðið án aukaiðgjalds getur váttryggður sótt skriflega um hækkun á líftryggingar-

fjárhæðinni án frekari upplýsinga um heilsufar sitt innan þriggja mánaða frá því annað hvort eftirgreindra atvika á sér stað:

a) Váttryggður eignast barn á váttryggingartímanum eða

b) váttryggður ættleiðir barn á váttryggingartímanum sem er yngra en 18 ára.

Hámarkshækkun líftryggingarfjárhæðar er 25% fjárhæðarinnar, en þó að hámarki kr. 2.000.000,- fyrir hvert barn og aðeins er hægt að nýta þennan rétt fyrir fjögur börn. Þessi réttur fellur þó niður við 45 ára aldur váttryggðs.

Við hækkun líftryggingarfjárhæðarinnar hækkar iðgjald váttryggðs samkvæmt iðgjaldaskrá félagsins.

Hækkunin tekur gildi á næsta gjalddaga eftir að öll skilyrði hafa verið uppfyllt.

Ekki er hægt að nýta þennan rétt þegar tilkall hefur verið gert til bóta samkvæmt 3. grein, eða ef váttryggingaratburð hefur borið að höndum sbr. 3. grein.

8. gr. Hvar váttryggingin gildir

Váttryggingin gildir hvar sem er í heiminum.

9. gr. Réttahafar

Váttryggður er sá sem líftryggður er samkvæmt váttryggingarskírteini.

10. gr. Bótageiðslur

Bætur greiðast innan fjórtán daga frá því að skrifstofu félagsins berast fullnægjandi gögn sem staðfesta geiðsluskýldu félagsins.

11. gr. Iðgjaldafrelsi

Váttryggður getur skriflega óskað eftir niðurfellingu ógreiddra iðgjalda váttryggingarinnar ef váttryggður, vegna slyss eða sjúkdóms á váttryggingartímanum, sem ekki er bótaskýlt samkvæmt 3. grein þessara skilmála, missir að minnsta kosti helming starfsorku sinnar.

Beiðninni þurfa að fylgja nauðsynleg gögn til mats á starfsorkumissinum, félaginu að kostnaðarlausu.

Til grundvallar mati á starfsorkumissi mun félagið leggja hæfni váttryggðs til að gegna starfi sínu og möguleika til annarra starfa.

Iðgjaldafrelsi veitist þó ekki til lengri tíma en eins árs aftur í tímann, áður en beiðni um iðgjaldafrelsi barst félaginu.

Iðgjaldafrelsi hefst sex mánuðum eftir að starfsorkumissirinn átti sér stað og varir meðan hann er til staðar, en þó ekki lengur en til 65 ára aldurs váttryggðs.

Á meðan váttryggður nýtur iðgjaldafrelsis ber honum að láta félaginu í té nauðsynlegar heilsurfarsupplýsingar auk annarra gagna og fara í lækni skoðanir eins oft og þurfa þykir, á kostnað félagsins.

Váttryggðum er skylt að tilkynna félaginu strax og hann endurheimtir starfsorku sína að hluta eða að fullu.

12. gr. Fyrning bótakrafna

Um fyrningu bótakrafna fer eftir ákvæðum laga nr. 20/1954 um váttryggingasamninga.

Skilmálar nr. AC102.

Gilda frá og með 15.11.2001.

Viðauki skilmála AL106.

Til upplýsingar:

- Váttryggður getur, að loknu fyrsta ári í tryggingu, sagt váttryggingunni upp skriflega mánuði fyrir gjalddaga.
- Váttryggður hefur 30 daga frest til að segja váttryggingunni upp eftir að hún tók gildi. Verði tryggingunni sagt upp ber váttryggðum að greiða iðgjald fyrir þann tíma sem hann var tryggður.
- Eftirtaldir aðilar hafa með höndum þjónustu vegna kvörtunar- eða ágreiningsmála, er rísa kunna af váttryggingu þessari: Tjónanefnd váttryggingarfélaganna og Úrskurðarnefnd í váttryggingamálum. Þjónusta þessara aðila eða málskot til þeirra skerðir að engu leyti rétt hlutaðeigandi til að leggja málið fyrir almenna dómstóla hér á landi. Nánari upplýsingar veitir starfsfólk félagsins.

1. gr. Samningurinn

Grundvöllur líftryggingarsamningsins eru skilmálar þessir, upplýsingar á umsóknareyðublaðinu og önnur gögn sem tengjast samningnum, bæði við upprunalega gerð hans og síðar hafi ábyrgð félagsins fallið niður eða takmarkast og þess óskað að tryggingin taki gildi aftur. Ef rangar upplýsingar hafa verið gefnar, eða leynt hefur verið upplýsingum, sem kynnu að hafa breytt áhættumati félagsins fer um ábyrgð félagsins eftir ákvæðum laga nr.20/1954 um váttryggingarsamninga.

2. gr. Gildistaka

Ábyrgð félagsins hefst þegar félagið hefur mótttekið útfyllta og undirritaða umsókn og aðrar nauðsynlegar upplýsingar og vottorð liggja fyrir þannig að unnt sé að meta áhættuna samkvæmt reglum félagsins um áhættumat og endurtryggingu. Semja má um annan gildistökutíma.

3. gr. Iðgjaldagreiðslur

Iðgjöld skulu greidd á gjalddaga. Síðari iðgjöld, sem eru greidd innan 15 daga frá gjalddaga teljast greidd á réttum tíma.

Verði fyrsta iðgjald eigi greitt á gjalddaga eða síðari iðgjöld innan 15 daga frá gjalddaga fellur ábyrgð félagsins niður, enda hafi iðgjalds verið krafist. Ábyrgð félagsins hefst að nýju þegar iðgjald hefur verið greitt, enda sé hinn tryggði þá á lífi og ekki liðnir þrjú mánuðir frá gjalddaga.

Samningurinn fellur úr gildi, ef iðgjald hefur ekki verið greitt þremur mánuðum eftir gjalddaga.

4. gr. Réttthafar og bótagreiðslur

Réttthafar eru maki líftryggðs, en sé maki eigi á lífi, þá börn hans, og séu þau heldur eigi á lífi, þá erfingjar hans

samkvæmt lögum, séu ekki aðrar skriflegar beiðnir.

Hægt er að breyta ánöfnun líftryggingarfjárhæðar með skriflegri tilkynningu til félagsins.

Tryggingarfjárhæðin greiðist innan 14 daga frá því, að skrifstofu félagsins berast í hendur fullnægjandi sannanir fyrir greiðsluskyldu félagsins, þar með talið dánarvottorð útgefið af lækni. Framsal þess samnings, sem í skilmálum þessum felst, veðsetning og hvers konar umráðaskerðing réttinda þeirra sem tilgreindir eru réttthafar að líftryggingarfjárhæðinni eða hjá félaginu, skal þegar í stað tilkynnt félaginu með sannanlegum hætti. Sá sem eignast hefur réttindi yfir samningnum getur ekki beitt réttindum sínum nema nafn hans hafi verið tilkynnt félaginu með sannanlegum hætti og hann fært sönnur á réttindi sín samkvæmt samningnum. Félaginu er heimilt að greiða líftryggingarfjárhæðina út við andlát hins líftryggða, samkvæmt þeim upplýsingum sem hjá félaginu eru skráðar. Telst það endanleg og lögfull greiðsla.

5. gr. Takmörkun á ábyrgð félagsins

Samningurinn fellur úr gildi ef líftryggður sviptir sig lífi innan eins árs frá útgáfudegi tryggingarinnar.

6. gr. Breyting líftryggingarfjárhæðar og iðgjalds

Líftryggingarfjárhæðin og iðgjaldið eru háð aldri tryggðra og vali tryggingartaka á eftirfarandi tilhögun.

a) Fast iðgjald, lækkandi líftrygging:

Líftryggingarfjárhæðin lækkar í samræmi við iðgjaldatöflu félagsins einu sinni á ári, þ.e. kl. 12 á hádegi á fyrsta degi hvers tryggingarárs. Aldur, sem miðað er við, er aldur eiginmanns/ einstaklings.

b) Föst líftrygging, hækkandi iðgjald:

Iðgjaldið hækkar í samræmi við

iðgjaldatöflu félagsins einu sinni á ári, þ.e. kl. 12 á hádegi á fyrsta degi hvers tryggingarárs.

Upphafsdagur tryggingarárs er skráður á iðgjaldskvittun. Gildandi líftryggingarfjárhæð er tilgreind í iðgjaldskvittun. Tilkynna þarf skriflega til félagsins ef breyta á um reiknireglu.

7. gr. Vísitöluákvæði

Jafnframt og samtímis breytingu á líftryggingarfjárhæð og iðgjaldi hækka líftryggingarfjárhæðin og iðgjaldið í samræmi við þá breytingu, sem orðið hefur á vísitölu neysluverðs frá grunnvísitölu tryggingarinnar samkvæmt eftirfarandi reglu:

Grunnvísitala tryggingarinnar er vísitala neysluverðs, sem reiknuð var miðað við verðlag tveim mánuðum á undan útgáfumánuði.

Auk áhrifa vísitölnunnar á líftryggingarfjárhæð einu sinni á ári í tengslum við aldur tryggðra hækkar líftryggingarfjárhæðin ársfjórðungslega innan hvers tryggingarárs í hlutfalli við breytingu á vísitölnunni eftir framangreindum reglum. Lækki vísitalan hefur það ekki áhrif til lækkunar á líftryggingarfjárhæðina.

Ef iðgjald greiðist oft en einu sinni á ári hækka síðari greiðslur í sama hlutfalli og líftryggingarfjárhæðin.

8. gr. Bónus

Líftryggingartaki hefur rétt til hlutdeildar í bónusi eftir reglum félagsins sem samþykktar skulu af Váttryggingar- eftirlitinu.

9. gr. Gildistími

Líftryggingin gildir frá útgáfudegi og endurnýjast til 70 ára aldurs hins tryggða.

Skilmálar nr. AL106.

Gilda frá og með 6.1.1998.

Samskonar skilmálum LIF1000

Til upplýsingar:

- Váttryggður getur, að loknu fyrsta ári í tryggingu, sagt váttryggingunni upp skriflega mánuði fyrir gjalddaga.
- Váttryggður hefur þrjátíu daga frest til að segja váttryggingunni upp eftir að hún tók gildi. Verði tryggingunni sagt upp ber váttryggðum að greiða iðgjald fyrir þann tíma sem hann var tryggður.
- Eftirtaldir hafa með höndum þjónustu vegna kvörtunar- eða ágreiningsmála, er rísa kunna af váttryggingu þessari: Tjónanefnd váttryggingarfélaganna og Úrskurðarnefnd í váttryggingamálum. Þjónusta þessara aðila eða málskot til þeirra skerðir að engu leyti rétt hlutaðeigandi til að leggja málið fyrir almenna dómstóla hér á landi. Nánari upplýsingar veitir starfsfólk félagsins.